



李商隱詩集卷第四

五言律詩

蠅蝶雞麝鳳等成篇

韓蝶翻羅幕曹蠅拂綺窓
鬪雞迴玉勒融麝暖金釭
玳瑁明書閣琉璃冰酒缸
畫樓多有主鸞鳳各雙雙

和韓翃舍人即事

萱草含丹粉荷花抱綠房
鳥應悲蜀帝蟬是怨齊王
通內藏珠府應官解玉坊
橋南荀令



過十里送衣香

子直全溪作

全溪不可到况復盡餘醅漢苑生春水昆池
換劫灰戰蒲知鴈唼皺月覺魚來清興恭聞
命言詩未敢迴

越燕二首

上國杜方見此鄉秋不歸為矜皇后舞猶有
羽人衣拂水斜文亂銜花片影微盧家文杏
好試近莫愁飛

將泥紅蓼岸得草綠楊村命侶添新意安巢

補舊痕去應逢阿母

樂府詩東飛伯勞西飛
燕黃姑阿母長相見

來莫害皇孫記取丹山鳳今為百鳥尊

無題二首

舍情春日晚暫見夜闌干樓響將登怯簾烘
欲過難多羞釵上燕直愧鏡中鸞歸去橫塘
曉華星送寶鞍

照梁初有情出水舊知名裙狹芙蓉少釵橫
翡翠輕錦長書鄭重眉細恨分明莫近彈碁

局中心最不平

蝶三首

葉葉復翻翻斜橋對側門蘆花惟有白柳絮
可能溫西子尋遺殿昭君怨故村年年芳物
盡來別敗蘭蓀

初來小苑中稍與瑣闈通遠恐芳塵斷輕憂
絕雪融只知防顥露不覺逆尖風迴首雙飛
燕乘時入綺籠

飛來綉戶陰穿過畫樓深重傳秦臺粉輕塗

漢殿金相兼唯柳絮所得是花心可要凌敲
客邀爲子夜吟

落花

高閣客竟去小園花亂飛參差連曲陌迢迢
送斜暉腸斷頻來掃眼穿仍欲稀芳心向春
盡所得是沾衣

贈宗魯筇竹杖

大夏資輕策全溪贈所思靜憐穿樹遠滑想
過苔遲鶴怨朝還望僧閑暮有期風流真底

事常欲傍清羸

李花

李徑獨來數愁情朝與懸自明無月夜強笑
欲風天減粉與園籜分香治渚蓮徐妃久已
嫁猶自玉爲鈿

壬申七夕

已駕七香車心心待曉霞風輕唯響珮日薄
不嬌花桂嫩傳香遠榆高送影斜成都過卜
肆曾妬識靈槎

雨

撼撼度瓜園依依傍竹軒秋池不自吟風葉
共成喧日迫有時見簷高相續翻侵宵送書
鴈應爲稻梁恩

菊

暗暗淡淡紫融融冶冶黃陶令籬邊色羅舍
宅裏香幾時禁重露寔是怯殘陽願泛金鸚
鵝昇君白玉堂

北樓

春物豈相干人生只強歡花猶曾歛夕酒竟
不知寒異域東風濕中華上象寬此樓堪北
望輕命倚危闌

擬沈下賢

千二百輕鸞春衫瘦著寬倚風行稍急舍雪
語應難帶火遺金斗兼珠碎玉盤河陽看花
過曾不問潘安

曉坐

一云後閣

後閣罷朝眠前墀思黯然梅應未假雪柳自

不勝烟淚續淺深綆腸危高下絃紅顏無定
所得失在中年

判春

一桃復一李井上占年芳笑處如臨鏡窺時
不隱墻敢言西子短誰覺宓妃長珠玉終相
類同明作夜光

荷花

都無色可並不奈此香何瑤席乘涼設金羈
落晚過迴衾燈照綺渡機水沾羅預想前秋

夢滄浪更擢歌

曉起

擬盃當曉起呵鏡可微寒隔箔山櫻熟褰帷
桂燭殘書長爲報晚夢好更尋難影響輸雙
蝶偏過舊晚蘭

清河

舟小迴仍數樓危凭亦頻燕來從及社蝶舞
太侵晨絳雪除煩促霜梅取味新年華無一
事只是自傷春

壽安公主出降

媯水開真煖常山索鏡師昔憂迷帝力今分
送王姬事等和強虜恩殊睦本枝四郊多壘
在此禮恐無時

明禪師院酬從兄見寄

貞容嫌茲世會心馳本源人非四禪縛地絕
一塵喧霜露歆高木星河壓故園斯遊倘爲
勝九折幸迴轅

寄裴衡

別地蕭條極如何更獨來秋應爲紅葉雨不
厭青苔沈約只能瘦潘仁豈是才離情堪底
寄惟有吟於灰

即日

小苑試春衣高樓倚暮暉天桃唯是笑舞蝶
不空飛赤嶺久無耗鴻門猶合圍幾家綠錦
字含淚坐鴛機

淮陽路

荒村倚廢營投宿旅魂驚斷鴈高仍急寒溪

曉更清昔年嘗聚盜此日頗分兵猜貳誰先
致三朝事始平

風

迥拂來鴻急斜催別燕高已寒休慘淡更遠
尚呼號楚色分西塞夷音接下牢歸舟天外
有一戒淚瀉瀉

洞庭魚

洞庭魚可拾不假更垂罾鬧若雨前蟻多於
秋後蠅豈思鱗作葷仍計腹爲燈浩蕩天地

路翱翔欲化鵬

喜舍弟義叟及第上禮部魏公

國以斯文重公仍內署來風標森太華星像
逼中台朝播遷鶯侶門多吐鳳才寧同魯司
寇惟鑄一顏回

哀箏

延頸全同鶴柔腸素怯猿湘波無限淚蜀魄
有餘冤輕幘無長道哀箏不出門無由問香
火翠幕自黃昏

自南山北歸經分水嶺

水急愁無地山深故有雲那通極目望又作
斷腸分鄭邑來雖及燕臺哭不聞猶餘遺意
在許刻鎮南勳

深樹見一顆櫻桃尚在

高挑留晚實尋得小庭南矮墮綠雲鬢歎危
紅玉簪惜堪充鳳食痛已被鶯舍越鳥誇香
荔齊民亦未甘

過姚孝子廬偶書

詩集卷四
拱木臨周道荒廬積古苔魚因感姜出鶴爲
弔陶來兩鬢蓬常亂雙眸血不開聖朝呼爾
類非獨路人哀

小桃園

竟日小桃園休寒亦未喧坐鶯當酒重送客
出墻繁啼久艷粉薄舞多香雪翻猶憐未缺
月先出照黃昏

和張秀才落花有感

晴暖感餘芳紅苞雜絳房落時猶自舞掃後

更聞香夢罷收羅薦仙歸勅玉箱迴腸九迴
後猶有剩迴腸

昭肅皇帝挽歌詞三首

九縣懷雄武三靈仰睿文周王傳叔父漢后
重神君王律朝驚露金莖夜切雲笳蕭悽欲
斷無復詠橫汾

玉塞驚宵柝金橋罷舉烽始巢阿閣鳳旋駕
鼎湖龍門咽通神鼓樓凝警夜鐘小臣觀吉
從猶誤欲東封

莫驗昭華館虛傳甲帳神海迷求藥使雲隔
獻桃人桂寢青雲斷松扉白露新萬方同象
鳥舉慟滿秋塵

齊梁晴雲

緩逐煙波起低隨柳線飄故臨飛閣度欲入
迥陂銷縈歌憐畫扇蔽景弄柔條更耐天南
位牛渚宿殘宵

所居

窓下尋書細溪邊坐石平水風醒酒病霜日

曝衣輕雞黍隨人設蒲魚得地生前賢無不
謂容易即遺名

高松

高松出衆木伴我向天涯客散初晴後僧來
不語時有風傳雅韻無雪賦幽姿上藥終相
待他年訪伏龜

訪秋

酒薄吹還醒樓危望已窮江臯當落日帆席
見歸風烟帶龍潭白霞分鳥道紅殷勤報秋

詩集卷四
意祗是有丹楓

韶州

桂水春遊早韶州日正西
虎當官路闢猿上驛樓
啼繩爛金沙井松乾洞乳梯
鄉音偏可駭仍有醉如泥

裴明府居止

愛君茆屋下向晚水溶溶
試墨書新竹張琴和古松
坐來聞好鳥歸去度踈鐘
明日還相見橋南貫酒濃

陸發荆南始至商洛

昔去真無素今還實自知
青辭木奴橘紫見地仙芝
四海秋風濶千岩暮景遲
向來憂際會猶有五湖期

樂遊原

春夢亂不記春原登已重
青門弄煙柳紫閣舞雲松
拂硯輕冰散開樽綠酎濃
無悰託詩遣吟罷更無悰

贈子直花下

詩集卷四
池光忽隱墻花氣亂侵房屏綠蝶留粉窻油
蜂印黃官書推小吏侍史從清郎並馬更吟
去尋思有底忙

小園獨酌

柳帶誰能結心期未肯開空餘雙蝶舞竟絕
一人來半展龍鬚席輕斟馬瑙盃年年春不
定空信歲前回

思歸

園有樓堪倚尊無酒可傾嶺雲春沮汝江月

夜清明魚亂書何託猿哀夢亦驚舊居連上
苑時節正迂鶯

向晚

營風橫去憶臨水卷空帷北土鞦韆罷南朝
板襖歸花情羞脉脉柳意悵微微莫歎佳期
晚佳期自古稀

春遊

橋峻班駝疾川長白鳥高烟輕唯潤柳風濫
欲吹桃徙倚三層閣摩挲七寶刀庾郎年最

少青草妬春袍

離席

出宿金樽掩從公玉帳新依依向餘照遠遠
隔芳塵細草翻驚鴈殘花伴醉人楊朱不用
慟只是更沾巾

俳諧

短顧何由遂遲光且更驚鶯能歌子夜蝶解
舞宮城柳訝眉傷淺桃猜粉太輕年華有情
狀吾敢恡生平

細雨

蕭洒傍迴汀依微過短亭氣涼先動竹點細
未開萍稍促高高燕微踈的的螢故園烟草
色仍近五門青

商於新開路

六百商於路崎嶇古共聞蜂房春欲暮虎穿
日初曠路向泉間辨人從樹杪分更誰開捷
徑速擬上青雲

題鄭大有隱居

結構何峯是喧闐此地分石梁高瀉月樵路
細侵雲偃卧蛟螭室希夷鳥獸群近知西嶺
上玉管有時聞君居近子晉憇鶴臺

江上

萬里南來地清江北望樓雲通梁苑路月帶
楚城秋刺字從漫滅歸途尚阻脩前程更烟
水吾道豈淹留

涼思

客去波平檻蟬休露滿枝永懷當此節倚立

自移時北斗兼春遠南陵寓候遲天涯占夢
數疑誤有新知

鸞鳳

舊鏡鸞何處衰桐鳳不棲金錢饒孔雀錦段
落山雞王子調清管天人降紫泥豈無雲路
分相望不應迷

因言

絕徼南通棧孤城北枕江猿聲連月檻鳥影
落天窻海石分碁子郢筒當酒缸生歸話辛

苦別夜對銀缸

奉寄安國大師兼簡子蒙

憶昔蓮花座兼聞貝葉經
岩光分蠟屐澗響入銅竝
日下徒推鶴天涯正對螢
魚山羨曹植春屬有文星

思賢頓

內殿張絃管中原絕鼓鼙
舞成青海馬闔殺汝南雞
不見華胥夢空聞下蔡迷
宸襟他日淚薄暮望賢西

有懷在家溫飛卿

薄宦頻移疾當年久索居
哀同庾開府瘦極沈尚書
城綠新陰遠江清返照虛
所思惟翰墨從古待雙魚

春深脫衣

何時粉署仙傲兀逐戎旃
閑塞由傳箭江湖莫繫船
欲收碁子醉竟把釣車眠
謝眺真堪憶多才不忌前

五月六日夜憶往歲秋與激師同宿

紫閣相逢處丹岩擬宿時墮蟬翻敗葉栖鳥
定寒枝萬里飄流遠三年問訊遲炎方憶初
地頻夢碧琉璃

城上

有客虛投筆無憊獨上城沙禽失侶遠江樹
著陰輕邊遽稽天討軍須竭地征賈生遊刃
極作賦又論兵

如有

如有瑤臺客相逢復索歸芭蕉開綠扇菡萏

薦紅衣浦內傳聲遠煙中結響微良宵一寸
艷回首是重幃

昔昌晚歸馬上贈

勇多侵路去恨有礙燈還嗅自微微白看成
沓沓殷坐來疑物外歸去有簾間君問傷春
句千詞不可刪

李商隱詩集卷第四

李商隱詩集卷第五

五言排律

武侯廟古栢

蜀相階前栢龍蛇捧闕宮陰成外江畔老向
惠陵東大樹思馮異甘棠憶召公葉凋湘燕
雨枝折海鷗風玉壘經綸遠金刀歷數終誰
將出師表一爲問昭融

戲贈張書記

別館君孤枕空庭我閉關池光不受月野氣

對公稱山向維文似無以區之

欲沉山星漢秋方會關河夢幾還驚絃傷遠
道明鏡惜紅顏古木含風久平蕪盡日間心
知兩愁絕不斷若連環

西谿

悵望西谿水潺湲奈尔何不驚春物少只覺
夕陽多色染妖嬌柳光含窈窕蘿人間從到
海天上莫爲河鳳女彈瑤瑟龍孫撼玉珂京
華他夜夢好好寄雲波

和孫朴韋淡孔雀詠

此去三梁遠今來萬里携西施因網得秦客
被花迷可在青鸚鵡非關碧野雞約眉憐翠
羽刮膜想金篦瘴氣籠飛遠蠻花向坐依輕
於趙皇后貴極楚懸黎都護矜羅幕佳人炫
繡桂屏風臨燭釵捍撥倚香臍舊思牽雲葉
新愁待雪泥愛堪通夢寐畫得不端倪地錦
排蒼鴈簾釘鏤白犀曙霞星斗外涼月露盤
西妬好休誇舞經寒且少啼紅樓三十級穩
穩上丹梯

商於

商於朝雨霽歸路有秋光背塢猿收果投岩
麝退香建瓴真得勢橫戟豈能當割地張儀
詐謀身綺季清長渠州外月黃葉廟前霜今
日看雲意依依入帝鄉

酬令狐郎中見寄

望郎臨古郡佳句洒丹青應自丘遲宅仍過
柳惲汀封來江渺渺信去雨冥冥勾曲聞仙
訣臨川得佛經朝吟播客枕夜讀漱僧瓶不

見嚼蘆鴈空流腐草螢土宜悲坎井天怒識
雷霆象卉分疆近蛟涎浸岸腥補羸貪紫桂
負氣託青萍萬里懸離抱危於訟閣鈴

碧瓦

碧瓦銜珠樹紅輪結綺寮無雙漢殿鬢第一
楚宮腰霧唾香難盡珠啼冷易銷歌從殷閣
學酒是蜀城燒柳暗將翻卷荷歌正抱橋鈿
轅開道入金管隔隣調夢到飛魂急書成即
席遙河流衝柱轉海沫近槎飄靈市蟻夷甲

巴賓翡翠翹他時未知意重疊贈妖嬌

玄徹先生

仙翁無從所時入一壺藏夜夜桂露濕村村
挑水鄉醉中拋浩劫宿處起神光藥裏丹山
鳳棊函白石郎弄河移砥柱吞日倚扶桑龍
竹裁輕策鮫絲熨下裳側栽喧漢帝橋板笑
秦皇徑欲隨閑令龍沙萬里強

謝先輩防記念拙詩甚多異日偶有此寄
曉用雲添句寒將雪命篇良辰多自感作者

豈皆然熟寢初同鶴舍嘶欲並蟬題時長不
展得處定應偏南浦無窮樹西樓不住煙改
成人寂寂寄與路緜緜星勢寒垂地河聲曉
上天夫君自有恨聊借此中傳

別薛岩賓

曙爽行將拂晨清坐欲凌別離其不那風物
正相仍漫水任誰照衰花淺自矜還將兩袖
淚同向一窻燈桂樹乖真隱芸香是小懲清
規無以况且用玉壺冰

腸

有懷非惜恨不奈寸腸何即席迴彌久前時
斷固多熱麼翻急燒冷欲徹空波隔樹淅淅
雨通池點點荷倦程山向背望國關嵯峩故
念悲書及新歡惜夢過染筠休伴淚繞雪莫
追歌擬問陽臺事年深楚語訛

杏花

上國昔相值亭亭如欲言異鄉今暫賞脉脉
豈無恩援少風多力墻高月有痕圖含無恨

意遂對不勝繁仙子玉京路主人金谷園幾
時辭碧落誰伴過黃昏鏡拂鈿華膩爐藏桂
燼溫終應催竹葉先擬詠桃根莫舉啼成血
從教夢寄魂吳王採香徑失路八煙村

燈

皎潔終無倦煎熬亦自求花時隨酒遠兩夜
背窓休冷暗黃茅驛暄明紫桂樓錦囊名畫
掩玉局敗碁收何處無佳夢誰人不隱憂影
隨簾押轉光信筆文流客自勝潘岳儂今定

莫愁固應留半焰迴照下幃羞

獨居有懷

麝重愁風逼羅疎畏月侵怨魂迷恐斷嬌喘
細疑沉數急芙蓉帶頻抽翡翠簷柔情終不
遠遙妬已先深浦冷鴛鴦去園空蛺蝶尋蠟
花長逾淚箏柱鎮移心覓使嵩雲暮迴頭灞
岸陰只聞涼葉院露井近寒砧

酬別令狐補闕

惜別夏仍半迴途秋已期那修直諫草更賦

贈行詩錦段知無報青萍肯見疑人生有通
塞公等繫安危警露鶴辭侶吸風蟬抱枝彈
冠如不問又到掃門時

有感二首

乙卯年有感
丙辰年詩成

九服歸元化三靈叶睿圖如何本初葦自取
屈覽誅有甚當車泣因勞下殿趨何成奏雲
物直是減萑蒲證逮符書密辭連性命俱竟
緣尊漢相不早辨胡雛鬼籙今朝部軍烽照
上都敢云堪慟哭未竟怨洪爐

丹陛猶敷奏彤庭歛戰爭臨危訪盧植

是晚獨召

故相彭始悔用龐萌御仗收前隊兵徒劇背

城蒼黃五色捧掩遏一陽生古有清君側今

非之老成素心雖未易此舉太無名誰瞑街

寃目寧吞欲斷聲近聞開壽宴不廢用咸英

崇讓宅東亭醉後有作

曲岸風雷罷東亭霽日涼新秋仍酒困幽興
暫江鄉搖落真何遽交親或未亡一帆彭蠡
月數鴈塞門霜俗態能多慮仙標發近狂聲

名佳句在身世玉琴張萬古山空碧無人髮
貌黃驂騮憂老大鷓鴣妬芬芳密竹沉空籟
孤蓮泊晚香如何此憂勝淹卧劇清漳

即日

地寬樓已迥人更迥於樓細意經春物傷醒
屬暮愁望賒殊易斷恨久欲難收大執真無
利多情豈自由空園兼樹廢敗港擁花流書
去青楓驛鴻來杜若洲單栖應分定辭疾索
難憂更替林鴉恨驚風去不休

鏡檻

鏡檻芙蓉入香臺翡翠過撥絃驚大鳳交扇
拂天鵝隱忍陽城笑喧傳郢市歌仙眉瓊作
葉佛髻鈿爲螺五里無因霧三秋只見河月
中供藥剩海上得銷多玉集胡沙割犀留聖
水磨斜門穿戲蝶小閣鎖飛蛾騎襜侵韞卷
車帷約憶鉞傳書兩行鴈取酒一封駝橋迥
涼風壓溝橫夕照和待烏燕太子駐馬魏東
阿想像鋪芳縵依稀解醉羅散時簾隔露卧

後幕生波梯穩從攀桂弓調任射莎豈能拋
斷夢聽鼓事朝珂

聖女祠

杳藹逢仙跡蒼茫滯客途何年歸碧落此路
向皇都消息期青雀逢迎異紫姑腸迴楚臺
夢心斷漢宮巫從騎裁寒竹行車蔭白榆星
娥一去後月姊更來無寡鵠迷蒼壑羈鳳怨
翠梧唯應碧桃下方朔是狂夫

魏侯第東北樓堂郢叔言別聊用書所

見成篇

暗樓連夜閣不擬爲黃昏未必斷別淚何曾
妨夢魂疑穿花逕迤漸近火磨溫海底翻無
水仙家却有村鎖香金屈戒帶酒玉崑崙羽
白風交扇冰清玉印盆舊歡塵自積新歲電
猶奔霞綺空留段雲峯不帶根念君千里舸
江草漏燈痕

靈仙閣晚眺寄鄆州韋評事

愚公方在谷仁者本依山共誓林泉志胡爲

樽俎間華蓮開齒齒荆玉刻孱顏爽氣臨周
道風光出漢闕滿壺從蟻泛高閣已苔斑想
就安車召寧期負笑還潘遊全壁散郭去平
舟閑定笑幽人迹鴻軒不可攀

賦得月照冰池

皓月方離海堅冰正滿池金波雙激射壁彩
兩參差影占徘徊處光舍的皜時高低連素
色上下接清規顧兔飛難定潛魚躍未期鵲
驚俱欲遠孤听始無疑似鏡將盈手如霜恐

透肌獨憐遊翫意達曉不知疲

未樂縣所居一草一木無非自栽今年

仲春悉芳已茂自書即事一章

手種慙陳事心期翫物華柳飛彭澤雪桃散
武陵霞枳嫩樓鸞葉桐香待鳳花綬藤縈弱
蔓袍草展新芽學植功雖倍成蹊跡尚賒芳
年誰共翫終老邵平瓜

南潭上亭讌集以疾後至因而抒情

馬卿聊應召謝傳已登山歌發百花外樂調

深竹間鷁舟縈遠岸魚鑰啓重關鶯蝶如相
引煙蘿不暇攀佳人啓玉齒上客領朱顏肯
念沉痾士俱期倒載還

搖落

搖落傷年日羈留念遠心水亭吟斷續月幌
夢飛沉古木含風久踈螢怯露深人閑始遙
夜地迥更清礎結撰會傷晚端憂復至今未
諳蒼海路何處玉山岑灘激黃牛暮雲屯白
帝陰遙知露洒意不減欲分襟

念遠

日月淹秦甸江湖動越吟蒼梧應露下白閣
自雲深皎皎非鸞扇翹翹失鳳簪床空鄂君
被杵吟女鬢砧北思驚沙鴈南情屬海禽關
山已搖落天地共登臨

賦得桃李無言

夭桃花正發穠李蕊芳繁應候非爭艷成蹊
不在言靜中霞暗吐香處雪潛翻得意搖風
態含情泣露痕芬芳光上苑寂寞委中園亦

白徒自許幽芳誰與論

喜雪

朔雪自龍沙呈祥勢可嘉有田皆種玉無樹
不開花班扇慵裁素曹衣詎比麻鵝歸逸少
宅鶴滿令威家寂寞門扉掩依稀履跡斜人
疑遊麴市馬似困鹽車洛水妃虛妬姑山客
漫誇聯詞追許謝和曲本慙巴粉署闌全隔
霜臺路漸賒此時傾賀酒相望在京華

哭遂州蕭侍郎二十四韻

遙作詩多難先令禍有源初驚逐客議旋駭
黨人究密侍榮方入司刑望愈尊皆因優詔
用實有諫書存苦霧三辰沒窮陰四塞昏虎
威狐更假隼擊烏愈喧徒欲心存闕終遭耳
屬垣遺音和蜀魄易蕢對巴猿有女悲初寡
無男泣過門之公止裴氏一女結縵朝爭屈原
草廟餒莫教魂迥閣傷神峻長江極望翻青
雲寧寄意白骨始霑恩早歲思東閣爲邦屬
故園於余初謁鄭舍登舟慙郭泰解榻愧陳蕃分以

忘年契情猶錫類敦公先真帝子我系本王
孫嘯傲張高蓋從容接短轅秋吟小山桂春
醉後堂萱自嘆離通籍何嘗忘叫闌不成穿
壙入終擬上書論多士還魚貫云誰正駿奔
暫能誅倏忽長與問乾坤蟻漏三泉路蠶啼
百草根始同知奉講徼福是虛言

李商隱詩集卷第五

李商隱詩集卷第六

五言排律

哭虔州楊侍郎虞卿

漢網疎仍漏齊民困未蘇如何大丞相翻作

弛刑徒中憲方外易史記云商鞅尹京終就

拘本於能弭謗先議取非辜巧有凝脂密功

無一柱扶深知獄吏貴幾迫季冬誅叫帝青

天濶辭家白日晡流亡誠不用神理若為誣

在昔恩知忝諸生禮秩殊入韓非劍客過趙

李商隱詩集卷第五

李商隱詩集卷第六

五言排律

哭虔州楊侍郎虞卿

漢網踈仍漏齊民困未蘇如何大丞相翻作

弛刑徒中憲方外易史記云商鞅尹京終就

拘本於能弭謗先議取非辜巧有凝脂密功

無一柱扶深知獄吏貴幾迫季冬誅叫帝青

天濶辭家白日晡流亡誠不用神理若為誣

在昔恩知忝諸生禮秩殊入韓非劍客過趙

受鉗奴楚水招魂遠邛山下宅孤甘心親堽
蟻旋踵戮城狐是冬舒陰隲今如此天灾未
可無莫憑牲玉請便望救焦枯

送千牛李將軍赴闕五十韻後採十
字作注

照席瓊枝秀當年紫綬榮班資古直閣勲伐
舊西京在昔王綱紊因誰國步清如無一戰
霸安有大橫庾內豎依憑切凶門責望輕中
台終惡直上將更要盟丹陛祥煙滅皇闈殺
氣橫喧闐衆狙怒容易八蠻驚禱杌寬貧乏

防風戮不行素來矜異類此去豈親征捨魯
真非策居邠未有名曾無力救御寧待兩師
迎火箭侵采石雲梯逼禁營何時統刀斗不
夜見攬捨屢亦聞投鼠誰其敢射鯨世情休
念亂物議笑輕生大鹵思龍躍蒼梧失象耕
靈衣沾愧汗儀馬用陰兵別館蘭薰酷深宮
蠟焰明黃山遮舞態黑水斷歌聲縱未移周
鼎何辭免趙坑空卷轉闔地數板不沉城且
欲憑神筭無同計力爭幽囚蘇武節棄世仲

由纓下殿言終驗增陴事早萌

先時棄道茂請修奉天城

蒸雞殊減膳屑麩異和羹否極時還泰屯餘

運果亨流離幾南渡倉卒得西平神鬼收昏

黑奸兇首滿盈官非督護貴師以丈人貞覆

載還高下寒暄急改更馬前烹犇卓壇上挹

韓彭扈蹕三才正迴軍六合晴此時唯短劍

仍世盡雙旌顧我由群從逢君歎老成慶流

歸嫡長貽厥在名卿隼擊須當要鵬搏莫問

程趨朝排玉座出位注金莖幸藉梁園賦叨

蒙許氏評中郎推貴壻定遠重時英政已標

三尚人今佇一鳴長刀懸月魄快馬駿星精

披豁慙深眷睽離動素誠蕙留春腕晚松待

歲崢嶸異縣期迴鴈登時已節鯖去程風刺

刺別夜漏丁丁庾信生多感楊朱死有情絃

危中婦瑟甲冷想天箏會與秦樓鳳俱聽漢

苑鶯洛川迷曲沼烟月兩心傾

有懷寄祕閣舊僚二十六韻

年髮日堪悲衡茅益自嗤攻文枯若木處世

鈍如錘敢望垂堂誠寧將暗室欺懸頭曾苦
學折臂反成醫僕御嫌夫懦孤童笑叔癡小
男方嗜栗幼女漫憂痿過多誰先敢逢壑即
更吹官銜同畫餅面貌之凝脂典籍將蠶測
文章若管窺圖形翻類狗入夢肯非羸自哂
成書麓終當呪酒卮懶露襟上血羞鑷鏡中
絲橐鑰言方喻樗蒲齒詎知事神徒惕慮佞
佛愧虛詞曲藝垂麟角浮名狀虎皮乘軒寧
見勦寵幕更逢危禮俗拘嵒喜侯王忻戴達

途窮方結舌靜勝但搯頤糲食空彈劍亨衢
詎置錫栢臺成口號芸閣暫肩隨悔逐遷鶯
伴誰觀捫虱時甕間眠太卒床下隱何卑奮
跡登弘閣推心對童帷校讎如有暇松竹一
相思

四年冬以退居蒲之永樂渴然有農望
歲之志遂作憶雲又作殘雪詩各一百
言以寄情于遊舊

憶雪

愛景人方樂同雲候稍憇徒聞周雅什願賦
朔風篇欲俟千箱慶須資六出妍詠留飛絮
後歌唱落梅前庭樹思瓊藥粧樓認粉絲瑞
邀盈尺日豐待兩歧年預約延枚酒虛乘訪
戴船映書孤志業披毫阻神仙幾向霜堦步
頻將月幌褰玉京應已足白屋但顯然

殘雪

旭日開晴色寒空失素塵
遶墻全剝粉傍井
漸銷銀刻獸推鹽
虎爲山倒玉人珠還猶照

魏壁碎尚留秦落月驚侵晝餘光悞惜春簷
冰滴鵝管屋瓦鏤魚鱗嶺霽嵐光拆松暄翠
蓋新摧林愁掃盡耆砌恐行頻焦寢忻無患
梁園去有因莫能知帝力空此荷平均

大鹵平後移家到永樂縣居書懷十韻
寄劉韋二前輩二公嘗於此縣寄居

驅馬遶河干家山照露寒依然五柳在况值
百花殘昔去驚投筆今來分挂冠不憂懸磬
乏乍喜覆盂安甌破寧迴顧舟沉豈暇看脫

身離虎口愁疾就猪肝鬣入新年白顏無舊
日丹自悲秋獲少誰懼夏畦難逸志忘鴻鵠
清香被蕙蘭還持一杯酒坐想二公歡

自桂林奉使江陵途中感懷寄苗尚書

下客依蓮幕明公念竹林

公與江陵相
國韶叙叔姪縱然

膺使命何以奉徽音投刺雖傷晚酬恩豈在
今迎來青瑣闥從到碧瑤岑水勢初知海天
文始識參固慙非賈誼唯恐後陳琳前席驚
空辱華樽許細斟尚憐秦瘡苦不遣楚醪沉

既載從戎筆仍披選勝襟瀧通伏波柱簾對
有虞琴宅與嚴城接門藏別岫深閣涼松冉
冉堂靜桂森森社內容周續鄉中保展禽白
衣居士訪烏帽逸人尋佞佛將成傳耽書或
類滌長懷五服贖終著九州箴良訊封鴛綺
餘光借玳簪張衡愁浩浩沈約瘦悒悒蘆白
疑粘鬢楓丹欲照心歸期無鴈報旅抱有猿
侵短日安能駐低雲只有陰亂鴉衝睽網寒
女簇遙碁東道違寧以西園望不禁江生魂

黯黯泉客泐泐逸翰應歲法高詞肯浪吟
數須傳庾翼萬獨與盧謀假寐憑書麓哀吟
扣劍鐔未嘗貪偃息那復議登臨彼美迴清
鏡其誰受曲針人皆向燕路無乃費黃金

送從翁從東川弘農尚書幕

大鎮初更帥嘉賓素見邀使車無遠近歸路
步煙霄穩放驂騶走高安翡翠巢御風知有
在去國肯無聊早忝諸孫末俱從小隱招心
懸紫雲閣夢斷赤城標素女悲清瑟秦娥弄

碧簫山連玄圃近水接絳河遙豈意聞周鐸
翻然慕舜韶皆辭喬木去遠逐斷蓬飄薄俗
誰其激斯民已甚佻鷺凰期一舉燕雀不相
饒敢共頽波遠因之內火燒是非果別夢時
節慘驚颯未至誰能賦中乾欲病瘠屬會行
錦繡勉欲報瓊瑤我恐霜侵鬢君先綬挂腰
甘心與陳阮揮手謝松喬錦里差隣接雲臺
閉寂寥一川虛月魄萬崦自芝苗瘴雨瀧間
急離魂峽外銷非閑無燭夜其奈落花朝幾

處逢鳴珮何筵不翠翹
蠻童騎象舞江市賣
鮫綃南詔知非敵
西山亦屢驕
勿貪佳麗地
不為聖明朝
少減東城飲
時看北斗杓
莫因乖別久
遂逐歲寒凋
盛幕開高宴
將軍問故寮
為言公玉季
早日棄漁樵

今月二日不自量度輒以詩一首四十韻干瀆尊嚴伏蒙仁恩俯賜披覽獎踰其實情溢於詞顧惟踈蕪曷用酬戴輒復五言四十韻詩一章獻上亦詩人詠

嘆不足之義也

家擅無雙士朝居第一功
四時當首夏八節

應條風滌濯臨清濟
巉岩倚碧嵩
鮑壺冰皎

潔王珮玉丁東
擊虞典祿要注云漢末絕無玉珮侍中王粲識舊佩始復

作之今玉珮受法於粲也故云處劇張京兆
通經戴侍中將

星臨迥夜卿月麗層穹
下令銷秦盜高談破

宋聳含霜泰山竹拂霧嶧陽桐
樂道能知退

當官蹇匪躬服箱青海馬
入兆渭川熊固是

符真宰徒勞讓化工
鳳池春漱灑雞樹曉曛

隴願守三章約嘗期九譯通薰琴調大舜寶
瑟和神農慨慷資元老周旋值狡童仲尼羞
問陣魏絳喜和戎斬斬將除蠹孜孜欲達聰
所求因渭濁安肯與雷同物議將調鼎君恩
忽賜弓開吳相上下全蜀占西東銳卒魚懸
餌豪胥鳥在籠疲民呼杜母隣國仰羊公置
驛推東道安禪合北宗嘉賓增重價上士誤
真空扇舉遮王導樽開見孔融烟飛愁舞罷
塵定惜歌終岸柳兼池綠園花映燭紅未憎

周顛醉轉覺季心恭繫滯喧人望便蕃屬聖
衷天書何日降庭燎幾時烘早歲乖投刺今
晨幸發蒙遠途哀跛鼈薄藝獎雕蟲故事曾
尊隗前修有薦雄終須煩刻畫聊擬更磨礪
蠻嶺晴飛雪巴江晚帶風辭巢憐越燕裂帛
待燕鴻自苦誠先藥長飄不後蓬容華雖少
健思緒即衰翁感激淮山館優游碣石宮待
公三入相丕祚始無窮

五言述德抒情詩一首四十韻獻上杜

七兄僕射相公

帝作黃金闕仙開白玉京有人扶太極維岳
降元精真取官勲大鈎陳地望清旂常懸祖
德甲令著嘉聲經出宣尼壁書留晏子楹武
卿傳陣法踐土主文盟自昔流王澤由來仗
國楨九河分合沓一柱忽崢嶸得主勞三顧
驚人肯再鳴碧空天靜轉黃道日同行後飲
曹參酒先和傳說羹即時賢路闢此夜泰階
平願保無疆福將圖不朽名卒身期濟世叩

額慮興兵感念靖屍露咨嗟趙卒坑倘今安
隱忍何以贊貞明惡草雖當路寒松實挺生
人言真可畏公意本無爭故事留臺閣前驅
且旆旌芙蓉王儉府楊柳亞夫營清嘯頻踈
俗高談屢析醒過庭多令子乞墅有名甥南
詔應聞命西山莫敢驚寄詞收的博端坐掃
攬搶雅宴初無倦長歌底有情檻危春水暖
樓迥雪峯晴移席牽湘蔓迴撓撲絳英誰知
杜武庫只見謝宣城有客趨高義于今滯下

卿登門慙後至置驛恐虛迎自是依劉表安
能比老彭雕龍心已切畫虎意何成豈有曾
黔突徒勞不倚衡乘時乖巧官法象合難貞
廢忘淹中學遲迴谷口耕悼傷潘岳重樹立
馬遷輕隴鳥悲丹嘴湘蘭怨紫莖歸期過舊
歲旅夢繞殘更弱植叨華族衰門倚外兄欲
陳勞者曲未唱淚先橫

夜思

銀箭耿寒漏金釭凝夜光綵鸞空自舞別燕不

相將寄恨一尺素含情雙玉璫會前猶月在
去後始宵長往事經春物前期託報章求令
虛粲枕長不掩蘭房覺動迎梢影疑來浪應
香鶴應聞露警蜂亦爲花忙古有陽臺夢今
多下蔡倡爲何薄冰雪消瘦滯非鄉

寓懷

綵鸞食顥氣威鳳食卿雲長養三清境追隨
五帝君烟波遺汲汲曾繳任云云下界圍黃
道前程合紫氛金書唯是見玉管不勝聞草

爲迴生種香緣却死薰海明三島見天迥九
江分寒樹無勞援神木豈用耘闔龍風結陣
惱鶴露成文漢殿霜何早秦宮日已曠星機
拋密緒月杵散靈氛陽鳥西南下相思不及
群

木蘭

二月二十二木蘭開拆初初當新病酒復自
久離居愁絕更傾國驚新聞遠魚紫絲何日
障油壁幾時車弄粉知傷重調紅別有餘

波痕空映襪烟態不勝裾桂嶺含芳遠蓮塘
屬意踈瑤姬與神女長短定何如

細雨成詠獻尚書河東公

洒砌聽來響卷簾看已迷江間風暫定雲外
日應西稍稍落蝶粉班班融燕泥颭萍初過
沼重柳更緣堤必擬和殘漏寧無晦暝輦半
將花漠漠全共草萋萋猿別方長嘯烏驚始
獨棲府公能入詠聊且續新題

病中聞河東公樂營置酒口占寄上

聞駐行春旂中途賞物華緣憂武昌柳遂憶
洛陽花螯鶴元無對荀龍不在誇只將滄海
月長壓赤城霞興欲傾燕館歡於到習家風
長應側帽獨孤景公信舉止風流路隘豈容
車相逢狹路間樓迥坡窺錦窓虛日弄紗鎖
門金了烏展陣玉叉鴉舞妙從兼楚歌能莫
雜巴必投潘岳果誰摻禰衡搗能禰處士擊鼓
過刻燭當時忝傳杯此夕賒可吟漳浦卧愁
緒獨如麻

擬意

悵望逢張女遲迴送阿侯空看小垂手忍問
大刀頭妙選茱萸帳平居翡翠樓雲衣不取
樓月扇未障羞上掌初何有傾城豈自由楚
妃交薦枕漢后共藏闈夫向牛車覓男從鳳
穴求書成校楔帖唱殺畔勞愁夜杵鳴江練
春刀解石榴象床穿幃網犀帖釘窓油仁壽
遺明鏡陳倉拂綵毬真防舞如意佯蓋卧瑩
篋濯錦桃花水濺裙杜若洲魚兒懸寶劍燕

子合金甌銀箭摧搖落華筵慘去留幾時消
薄怒從此抱離憂帆落啼猿峽樽開畫鷁舟
急絃腸對斷剪燭淚爭流壁馬誰能帶金虫
不復收銀河撲醉眼珠串咽歌喉去夢隨川
後來風處石鄒蘭叢銜露重榆莢點星稠解
珮無遺跡凌波有舊遊曾來十九首私讖詠
牽牛

謝往桂林至彤庭竊詠

辰象森羅正鈎陳翊衛寬魚龍排百戲劍佩

儼千官城禁將開晚宮深欲曙難月輪移杓
詣仙路下闌下共賀高襟應將陳壽酒歡金
星壓芒角銀漢轉波瀾王母來空闔羲和上
屈盤鳳凰傳詔旨獬豸冠朝端造化中台座
威風大將壇甘泉猶望幸早晚冠呼韓

送從翁東川弘農尚書幕

昔帝迴冲眷維皇惻上仁三靈迷赤氣萬彙
別蒼旻刊木方隆禹陞阨始創殷夏臺曾圮
閉汜水敢逡巡拯溺休規步防虞要徙薪蒸

黎今得請宇宙昨還淳纘祖功宜急貽孫計
甚勤降災雖代有稔惡不無因宮掖方爲蠱
邊隅忽邁迤獻書秦逐客間諜漢名臣北伐
將誰使南征決此辰中原重板蕩玄象失鉤
陳詰旦違清道銜枚別紫宸茲行殊壓勝故
老遂分新去異分於鞏來寧避處邠永嘉幾
失墜宣政遽酸辛元子當傳啓皇孫合授詢
時推三揖讓表請再陶鈞舊好盟還在中樞
策屢遵蒼黃傳國璽違遠屬車塵離虎如憑

怒祭龍往漫馴封榮自何等流落乃斯民逗
撓官軍亂優容敗將頻早朝披草莽夜繼達
絲綸忘戰追無及長驅氣益振婦言終未易
廟略况非神日馭難淹蜀星旄要定秦人心
誠未去天道亦無親錦水濺雲浪黃山掃地
春斯文虛夢鳥吾道欲悲麟斷續殊鄉淚存
亡滿席珍魂銷季羔實衣化子張紳建議庸
何所通班昔濫臻浮生見開泰獨得詠汀蘋

官軍一
作軍官

李商隱詩集卷第六



